

Knowledge and conception of the Nama about natural phenomena.

1 [0-16]

Tlholego ea letsatsi ngoedi le di naledi ga re e itse re di bone fela ele dilo tsa le godimo. Ga gona motho ea itseng tlholego ea tsona. Letsatsi lona le fitisa tse dingoe ka gore lona ga re a fitlhela ba le telle leina, le gore motho a le tlhokomele. Ngoedi le ene, ga go itsioe tlholego ea gagoe, fela re itse se ka ga ngoedi, borre ba re bogologolo monna mongoe o kile a rema matlhako ka tsa Sondaga, janong modimo oa borragoe oa be o maea mo ngoedi a oetsoe ke letlhako. Le ka jeno o ntse a roele letlhako leo mo ngoedi, le bana ba rona re ba ruta gore mo ngoedi gona le monna o roele letlhako o na a rema ka Sondaga, jaloa modimo oa bo ntatagoe oabe o mo roesa letlhako leo. Gape se sengoe se re se itseng ka ga ngoedi bontata rona mogolo ba re boleetse gore ge motho a ka lebelala ngoedi bosigo motho eo o tla rotela mo dikobong. Janong ngoana o mongoe le eo mongoe mmagoe o mo rutila gore ge a ka lebelala ngoedi o tla rotela mo dikobong. Eanong ngoana eo mongoe le eo mongoe o itisitse ka thata gore a seke a lebelala ngoedi ga gona motho ea ka lebelang, ba^{bo}/tlhe reea tshaba, o mo lebelala fela eseng sebaka o ntse o mo lebeletse, o gadima fela, o be o tlogela. Ga go go leke ope, gore a tle a bone, gore a ke nete gongoe nyaea. Go fifala ga ngoedi ga go disioe, le gona ga go makalloe. Rona reea ngoedi gongoe letsatsi le eabe le sule, ka gore le eabe le sa apesioa ke maru gongoe mosi. Le malatsi a ngoedi ga re ea bale, re lebeletse fela ge e rogoa (new moon) ge e tsoa bosigo, reea re kgoedi e ile fifing, ke gore ea be ele fa gaufi le gore e fele. Le ditiro ga di ea thibeleloa gore motho a seke a itirela se a rata go sidira. Fela se se itsioe se ngoedi a nang le sona se sa siamang ke se ge ngoedi o rogoa, ea thulama e na le boloetse, batho ba tla tllhaseloa ke boloetse, le ge bo sa simolle le eona kgoedi, bo tla nne bo tla ge entse ea fifing. Seo re se etse tlhoko thata me kafa re itseng ka teng, go na le jalo, batho ba loala.



1. Ge entse jana ke gore e tsholla boloetse bobo tona thata,

batho ba tla tsorora ke mekgotlhoane, mefikela ~~atthai~~ ditlhogo le a mangoe.

2. Ge entse eana e atlaletse boloetse, e bo busetsa koa godimo ga botle, koa tlase, le batho ga ba ke ba fikela thata, ka gore boloetse ke bona bo a tlaroetsoeng koa godimo.

3

Stars.

Dinaledi di itsioe thata, le gona re di etse tlhoko. Gape ra be ra diraea maina, re itse gore di tsamaea le ngoaga, ka nako e ngoe ea ngoaga o tla bona e ngoe koa gongoe ntlha engoe. Janong tse di itse gore ke nako e fe ea ngoaga. Dinaledi tse di itsioe thata ke tse:-

Kgogamasigo o Kopadilallo = Mars

Selemela = Jupiter

Dikolobe = Comet

Molalatladi = Milkyway

Naka = Morning stars.

Kgogamasigo ke naledi e itsioeng thata, selemo e oela ge letsatsi le sena go oela, ge selemo se ntse se gogega e tsoa bosigo, go fitlhela selemo se be se tla gape.

Selemela ke naledi tse o kareng e ngoe ge o e bona fela ge o e lebeletse o tla fitlhela o kare di dintsi re lepa masigo ka eona, gore ge e le fa na, masa a sele, ge e le fa na e santse e le bosigo.

Dikolobe. Ke di naledi tse di se kgotlhanyana tsona re lepa ngoaga ka tsona. Ke gore ge di fitlha fa na ke nako ea gore ea ngoaga, ge di tsoa bosigo ke mariga, ge di tsoa e ise e ne bosigo thata selemo se tsene. Naka. Ke naledi e tsoang mariga ka nako e phefo e tshubang ka eona. Ke gore eona e/bonoa mariga ka fa rona re elepileng ka teng. Fela ga re itse tlholego ea di naledi tse re di bona fela, maina re ea di taea fela re sa itse gore di tsoa ntlha efe. Fela re fitlhela bontata rona ba ntse ba di bitsa ka maina a, ba di tlhokometse, ba itse ka fa di tsamaeang le ngoaga ka teng. Le rona re fitile rana ra di bitsa ka ona, ga re eaka ra di bitsa ka a sele.

4

Legadima le tladi ga re itse tlholego ea tsona, fela dingaka di re bolela gore tladi ke nonyane, legadima ke di phuka tsa eona ge e ntse e fofa, mo marung, Nonyane e dingaka di e batla thata, e itsioe ke bona fela rona ga re e itse. Gape dingaka tsona di itirela tladi ea bona, ba e bitsa tladi-motoana, tladi e ea bona ena, e bogale go phala tladi ea pula. Tladi-motoana ke motho o fofa ka ditlhare tsa gagoe, tse a di itseng, o tsena mo letlalong lakgomo le kokoropane gore ge a fofa kodimo koa, o fitlhela o kare go dumap pula. Fela maru a tladi-motoana o fitlhela a ntse matshanyana fela, ge o a bona o makala gore ke maru a mofuta o fe. Le goduma ga ona o kare go thoanya sebepi. Le gona o tla fitlhela a tsamaela ka pele. Ba ba itse ba ka go bolela fela gore ke a eona tladi-motoana.

4. 5
Rainbow.

Molalatladi ke selo se re se itseng thata, gore sekoba pula, ge ekare pula e simolla e na molalatladi oa tlhagela pula e ea phatlala. Ka pele pele fela fo ga reitse gore ke eng, ge o koba pula, tlholego ea ona ga re oe itse, re bona fela o ntse o tlhaga. Jang ga re itse le bontata rona ga ba re bolela sepe ka ga ona, le rona ga re ise re batlisisi nete ea ona gore o tlhagile eang ko kae.

Rain.

Pula ga re itse tlhole go ea eona, fela dingaka tse dingoe di itse go nesa, fela ga di re tlhalosetse gore pula e tlhaga kae. Dingaka tse dinesang pula ditlhokomela gore a gona le di beela. Ke gore batho ba bangoe ba ba tsamaeang ba baea dilo tse di sa batlegeng mo nageng. Dilo tse ba bolela gore batho ba bangoe ba be ba loile lefatshe jalo pula e ka seke ea na. Ge di ise di tlosioe. Batho ba tsoanetse go e ba tsamae mo nageng ba di batle, ge ba di bone, ba di bese ka mollo. Janong e gona dingaka di tla simolla go nesa pula, dingaka tse di nesang pula di bidioa Baroka. Ke tsona tse di itsioeng ge motho a bidioa moroka ke gore re itse fela gore ke ene ene ngaka ea pula sebele. Ge are gona le di beela re dumela ba botlhe gore gona le dibeela, batho ba tsoanetse gore ba tsamae mo nageng ba di batle/gore ba di tlose gore pula e tle e ne.

6.

Mekgoa ea batho ge e sa siama e koba pula, ke gor. ge motho a soetsoe ke ngoana gongoe monna, o tsoanetse gore a seke a tsamaea fela mo nageng. Pele a tla tsamaea o o tsoanetse gore a tlhapisioe ka ditlhare tsa megaga, ge a sena go tlhapa a be a tsee megaga a tsamae mo ditseleng mo, a di gagaolle. Ke gona a ka tsing go tsamaea mo ditseleng le di nageng, fela gona le batho ba ba sekeng ba ela dilo tlhoko. Lefatshe, le dithaba, le matsha, le leoatle ga go itsioe tlholego ea tsona. Ke gore di bonoa fela di ntse di lekana. Dithaba le matsha, le tse ding tse di itsegeng gaufi le rona ke tse: Dithaba tsa Bohule, Rakatane, Ratumoga kgoloe, Segalatsetse, Moreletetse, Motsedi re itse o fela kolobeng. Fela ga gona sepe se se tona se re ka sebolelang ka ga dithaba, tse. Fela moreletetse ke mo Bakgatla ba boloetsaeng ke maburu ge ba ne ba ba utsoetsa dikgomo. Bakgatla e ne eare ge ba tshaba maburu ba tshabele mo dithabeng tsa moreletetse. Fa gongoe maburu a na a ba tsoara ba ise ba tsene mo tsona, fa gongoe ba ba tsoarela mo tsona.

Mollo ga re itse gore o bonoe ke mang, fela re utla bontata rona ba re ba fetlha mollo. Le rona re nnile ra o fetlha, bare monna o na a phunya kotana a ntse a e kokotelela ka di kotananyana, ge a ntse a e kokotela a be a bona e kuela, ge a ntse a kokotela thata, labofelo a be e bona tlhaga e kuela e be e tuka. Ke gona a lemoga gore ge motho a gotlha kotana mo gongoe mollo oa tsoa. Go tloga fo, batho ba fitlhela ke be ke tlhalefa, makgoa a be a tla e re kopa le bona.

Fela pele go ne gona le mollo o ne o tshubya ka letlapa la le gakoa, ona ga ke o itse. Bare ba tshola letlapa, ba le itaea ka le lengoe ditlhase tsa lona ba dire gore di oele mo byanye, bo bo boleta, leta. Ke gona o simolle go kuela o tloge o futsoeloe, o tuka. Ge o sena go godioa, ba dira gore di o tsoare. Ge o timele koa lapeng o tsoa koa kgotleng la banna, fela eseng matshegare ba o tsoa ka mosho le mantsibooa Gape batho ga ba dumeloa gore ba tse mollo ba o potolose motse ge ba rialo ba ka thaola motse. Dikgong tse ga gotsang mollo di ea tlhokomeloa gona le tse di sa oroeng. Ke gore bana ba ka di ora, ba tloge ba senya/ditlhare tsa bontata bona. ~~III~~

Moreteloga, Mositatlou, Mmilo Mokoerekoere.

Moreteloga le mmilo ge o sa oroe ke gor bontata rona ba re boleletse gore ge motho a ka ora tlhare tse dikgomo tsa gagoe di tla tsala dinamane tsa di pholo fela, le seng e ~~mmxx~~ e namagadi ga e ke e baea teng. Re tshaba lebaka le.

Mositatlou bare batho ba ba ntsi ba bina tlou ke ka lebaka leo o sa oroeng.

Mokoerekoere, ona ga gona lebaka le le o thibelang gore o seke oa oroa. Fela re fithela o ntse o sa oroe, le rona re o tshaba ka re fithela o ntse o sa oroe.

Batho ge ba ora mollo, banna ba nna ntlha elengoe koa mollong oa bona, ba nna le basimane. Basadi bona ba nna le basetsana koa mollong wa bona koa lapeng. Ga ba tlhakane le banna mollo. Banna mollo oa bona o koa kgotleng. Mello a tshubang dinaga e ne e seo, ka gore batho ba nne ba sa tsamae ka mello mo nageng, mollo o ne o na koa gae fela. O ne o sa go dieo gongoe le gongoe koa motho a ratang. Mollo oa koa bogoereng o oroa ke banna fela ba ba tsoang bogoera le gona ba le ka teng koa mophatong. Mello ke e; ke Mollo wa koa kgotleng oa banna (Kgoro).

Mollo oa koa lapeng oa basadi

Mollo oa koa kgotleng la kgosing.

Banna ba bangoe le ba bangoe ba ora mollo koa kgorong ea bona, fela koa kgotleng la kgosing go ora banna ba golo, ba ba latileng dinama ka segaafi. Ba bangoe ba beilwe ke morena ka ~~mm~~ ka nosi koa kgotleng gore ba ~~mmmmmmmmmmmm~~ besetse mollo gore o seke oa tima. Ba bangoe ke ba mollo gore o seke oa tima. Ba bangoe ke ba ba itlisang le go tlo itisa koa teng, le go utloa dikgang. Mollo o koa kgotleng le kgosing o roaleloa ke mophato gore o roalela banna bagolo. Basadi ba apaea mabyalwa ba tlišetsa banna bagolo ba, gore ba seke ba tlhoafala ba tloge ba tlogela lekgotla la tlhoka mo tlhokomedi. Le morena le ene o itisa fa kgotleng fa le banna bagolo ba. Fela ene o robala koa tlung ea gagoe, banna bagolo bona koa kgotleng ba tsokile go robala koa malapeng a bona.

L.D. Modibedi

END. S 302